

հին դեռ 1915 թուին յայտնի էր, որ Փրանսան ձգտում է գրաւել Կիլիկիան: Յարակից եւ յետագայ փաստերը հաստատում են, որ պատահական տրամադրութիւն չէ Փրանսայի այդ ձգտումը, այլ նրա արեւելեան քաղաքականութեան հիմնական մէկ պայմանը: Այս վճռական հանգամանքի հանդէպ ինչքա՛ն մանկօրէն միամիտ են թուում Պողոս Նուպարի այնքա՛ն թեթեւ հաւատարկացումները, թէ իրեն յաջողուել է համոզել Փրանսացիներին, որ «նման քաղաքականութիւնը կործանարար է Փրանսայի շահերը» համար: Եւ այս հաւատարկացումները արւում են Բինկինտորֆի պէս մի անձի, որը շատ լաւ դիտէր, թէ Փրանսան ի՞նչ հնարաւոր եւ անհնարին միջոցների է դիմում տիրելու համար Կիլիկիային:

Ի պատասխան այս պարզունակ դիւանագիտութեան, Սազոնովը հեռագրում է Բինկինտորֆին — թիւ 3476.

«Հայկական ինքնավար շրջանի կազմութիւնը սուլթանի վեհապետութեան եւ Ռուսաստանի, Փրանսայի եւ Անգլիայի երբեակ հովանաւորութեան ներքոյ կը լինէր բնական դարգացումը ոչ միայն Ռուսաստանի, այլ եւ իր դաշնակիցների ի վաղուց անտի բարեացակամ վերաբերումի դէպի թիւրքահայերը: Սակայն, կայսերական կառավարութիւնը այդ հարցի մասին վերջնական որոշում չի ընդունել, եւ բոլոր զրոյցները հայոց ներկայացուցիչներին հետ կրել են զուտ ակադեմական բնույթ»:

Որպիսի ցած շնութիւն. մի կողմից անվերապահ խոստումներ, որոշ ծրագիր ու յանձնառութիւններ, միւս կողմից — «զուտ ակադեմական զրոյց»... Այսպէս է եղել ցարիզմի աւանդական քաղաքականութիւնը հայերի նրկատմամբ: Այսպէս է եւ այժմ՝ ցարական ժաւանդորդների քաղաքականութիւնը: Այսպէս է, առատարակ, ժամանակակից մեծ պետութեանց ամէն մի քաղաքականութիւն ճնշուած ազգերի վերաբերմամբ: Դժբախտաբար, այս վերջինները ուշ են հասկանում դառն ճշմարտութիւնը:

\* \* \*

Մինչ մի կողմից հայկական ներկայացուցիչները քաջալերւում են, հայ ժողովրդին

խոստումներ են շուսյւում թիւրքահայաստանի ինքնավարութեան մասին, անդին, նոյն պետութիւնների մէջ եւ Սազոնովի գործօն մասնակցութեամբ, պաղանի բանակցութիւններ են վարւում՝ նպատակ ունենալով թիւրքի այն պատահատումը եւ հայկական վերայեթների ու Կիլիկիայի բաժանումը Փրանսայի եւ Ռուսաստանի միջեւ:

1916 թ. 25 Փետր. — 9 Մարտին Պետրոգրատի մեծ-բրիտանական եւ Փրանսական պատաները, յանուն իրենց կառավարութեանց, Սազոնովին ներկայացնում են մի յուշագիր, որի մէջ, պատրուակ ընդունելով արարական շարժումը թիւրքի դէմ, առաջադրւում են Օսմանեան կայսրութեան անդամահատման ծրագրերը: Արարական երկրները, Կիլիկիան ու Հայաստանը բաժանում են ազգացութեան երկու շրջանների՝ Փրանսական եւ անգլիական, ուր համապատասխան պետութիւնները պէտք է ունենան բացառիկ իրաւունք նշանակելու օտարերկրեայ խորհրդականներ ու պաշտօնեաներ՝ արարական պետութեան կամ արարական պետութիւնների դաշնակցութեան խնդրանքով: Մեծ Բրիտանիային տրամադրւում են՝ 1) Կայֆա եւ Ակրա նաւահանգիստները, 2) երաշխիք ջրի որոշ քանակութեան Տիգրիս ու Եփրատ գետերից A շրջանում\*) B շրջանի\*\*) համար»: Այնքանտրետը դառնում է ազատ քաղաք բրիտանական առեւտրի համար եւ Կայֆան փոխադարձաբար՝ անգլիական առեւտրի համար:

Այս ծրագիրը լուրջ անհանգստութիւն է առաջ բերում Պետրոգրատում, որը շտապում է պաշտպան դուրս գալ իր անտեսուած իրաւունքների: Սազոնովը պահանջում է որոշ սրբազրութիւններ Փրանսային յատկացուած շրջանների սահմաններում, եւ երկու օր յետոյ բրիտանական դեսպան Չ. Բիւկենինը շտապում է ներկայացնել ռուսական արտաքին գործոց նախարարին, որ «Փրանսական կապոյտ գօտին այժմ յետ է տարւած նեստորական\*\*\*) շրջանից, որը հիմա մտցուած է ենթադրուելիք ռուսական գօտիի մէջ, իսկ Փոքր Հայաստանի

\*) Փրանսական. \*\*) անգլիական. \*\*\*) ասորական: